



UNIVERSITÄTS-  
BIBLIOTHEK  
PADERBORN

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

21. De zeli honoris Dei & salutis animarum actibus internis perfectè  
eliciendis

---

[urn:nbn:de:hbz:466:1-60091](#)

animæ, quas tam tenerè diuina Maiestas amat! quanto studio earum perfectioni & saluti inuigilandum, quarum salutem & perfectionem tam ardenter desiderat! Idem affectus reuandus.

**XXI.** *De zeli huius actibus internis perfectè eliciendis.*

I. **E**xpende quomodo perfectè exercendi sunt præcipui actus interni huius zeli, qui sunt: 1. Ardenter eruere & sitire maiorem diuinę Maiestatis cognitionem, estimationem, amorem, cultum, obsequium; & maiorem omnium hominum perfectionem, gratiam, gloriam cum omnibus medijs proficiendi in omni sanctitate, & in gratia perseverandi, per septemplicia desideria oratione Domitica comprehensa, uti explicatum est in meditationibus septem de eadem oratione 4 part. med. hebd. 14. & 15. post Trinit.

2. Intime dolere de tot iniurijs diuinę Maiestati ab Idololatriis, hæreticis, & peccatoribus illatis, de diuino cultu neglecto, de tanta cœcitate, ingratitudine, malitia hominum, Creatorem suum tam temerè & protervè tot peccatis offendentium, cæcoque impetu

in

in æternum interitum ruenium ; & feruentē optare & desiderare per se, aliosque iniurias Creatori inferri solitas pro viribus propulsare, animasque à præsenti exitio per idonea media liberare: 3. Optare, desiderare, propone multa ardua facere & pati ad diuini Numinis honorem, cultumque propagandum ac vindicandum; atque ad perfectionem & salutem animarum procurandam, & promouendam. Perfectè hi affectus possunt exerceri; si latissimo charitatis affectu ad omnes diuinam gloriam propagandi, iniurias quasvis diuinæ Maiestatis propulsandi, omnium hominum salutem promouendi vias, ac rationes extendantur; si ex sincera intentione solius diuini honoris & obsequij; cum intensissimo amoris erga Deum & proximum excessu; cum inuita inter quasvis occurrentes difficultates Constantia; Et cum inexhausto demum perfectius etiam longè supra vires Deum glorificandi, proximosque iuuandi desiderio eliciantur. Quam amplum & præclarum huiusmodi desiderijs, quem tam facilè cum diuina gratia possunt frequentari, reddetur præmium ab eo, qui iuxta D. Augustinum, bonam

voluntatem coronat, quando non inuenit facultatem! His perensis prædicti affectus omnes, vel aliqui ad longum exercendi.

II. Quam perfectè tot Apostolici & zelosi viri, maximeque B. Virgo hæc sancta desideria omnia frequentarit tota vita, maximè Messiæ aduentum expectans; in Ægypto inter idololatrias exulans; Filium prædicantem sequens; gloriam eiusdem aſſumpti propagari ab Apostolis, obscurari à Iudeis cernens; Quam purè, intense, constanter, insatiabiliter, tum ob clariorē diuinæ Excellentiæ & charitatis, animarumque dignitatis cognitionem, tum ob flagrantiorē erga Deum & proximum dilectionem. Zelus æmulandi.

III. Quantò tandem diuinius Christus Dominus hoc sancto zelo continuo æstuans hos similesque igneos affectus continuariit tota vita, vix conceptus in Virginis utero, vagiens in præsepio, triginta annis ad prædicacionis munus sanctis desiderijs, & priuatis humilitatis, aliarumque virtutum exercitijs se accingens; in deserto 40. diebus ieiunio & diuinæ contemplationi vacans: tempore prædicationis semper in oratione pernoctans: tempore

repas,

re passionis pro omnibus orans, & se  
in sacrificium placationis offerens.  
Feruor imitandi in crebra & pia reno-  
uatione prædictorum affectum.

*De zeli actibus externis piè exercen-* XXII.  
*dis, & Incitamentis.*

I. **E**xpende quo pacto præcipui ad  
actus externi zeli sint perfectè ex-  
ercendi, qui sunt 1. Conari omni ob-  
lata occasione promouere diuinam  
gloriam, cultum, obsequium, proxi-  
morumque salutem, & in omni per-  
fectione profectum verbo, exemplo,  
consilio, & auxilio. 2. Conari impe-  
dire & amoliri omnia, quæ cedunt in  
iniuriam Creatoris, & iacturam pro-  
ximorum perfectionis ac salutis, pec-  
cata aliorum commissa lacrymis & vo-  
luntarijs satisfactionibus in se expian-  
do, committenda præpediendo, ad se-  
riam pœnitentiam lapsos exstimulan-  
do. 3. Nulos labores recusare, nullas  
difficultates subterfugere, nulla peri-  
cula horrere in gloria Dei, & proxi-  
morum salute promouenda. Ad hos  
piè perfectèque frequentandos opus  
est 1. ut nunquam ex arida consuetu-  
dine, sed cum pia subinde ruminatio-  
ne, aut infinitæ Dei excellentiæ, aut

Fff 5                   præ-